



Universitätsbibliothek Paderborn

**Francisci Baconi Baronis de Verulamio, Vice-Comitis S.
Albani, Summi Angliæ Cancellarii, Opera omnia, Quæ
extant: Philosophica, Moralia, Politica, Historica ...**

Bacon, Francis

Francofurti ad Moenvm, 1665

LI. De Laude.

urn:nbn:de:bvb:12-bsb10497643-5

Isabella, Regina Castiliana, dicere solebat;) *instar Epistolarum commendatitiarum, quae nunquam non presto sint,* haberi possit: si quis *Formulis* utetur *discretis & decoris.* Ad has addiscendas, nihil ferme aliud requiritur, quam ut eas quis non contemnat: ita enim in aliorum moribus easdem observabit: de reliquo autem nemo sibi diffidat. Si enim maiorem illis operam navabit, de pretio decident: quod in illo potissimum situm est, ut tanquam naturæ videantur, & minime affectate. Nonnullorum vultus, & gestus, & externa alia, instar versus sunt, in quibus syllabæ singulæ mensurantur: *Qui poterit magna comprehendere, qui se tam patillis rebus submittit?* *Ceremonius decentibus*, erga alios, omnino abstinere, perinde est ac si doccas, eadem illos erga te negligere; quo pacto te ipsum facies vilorem. Præcipue nequaquam omittenda erga illos, quibuscum familiaritate minime conjunctus es: neque erga homines ingenio fastidioso. Verum, excessus in illis, & locutio plane hyperbolica, (quali nonnulli utuntur,) non solum res molesta; sed etiam sinem & pondus, eorum quæ dicuntur, omnino minuit. Est proculdubio modus artificiose cuiusdam insinuationis, in verbis ipsis, inter *Formulas* communes, qui homines revera inelicta, & mirifice afficit: qui eximite alicui prodest, si quis ejus viam calleat. Interæquales de familiaritate sollicitum esse, nihil opus est; quare repreme te paululum, & dignitatem tuam tueri: At inter inferiores non deerit reverentia; Itaque inter illos benignè te gerere, & cum familiaritate quadam, non incongruum est. Qui in sermone aliquo, autre, nimius est, adeo ut satietatem inducat, valorem sui ipsius minuit. Aliis se applicare, bonum est modo cum significatione quadam fiat, hoc non ex facilitate prodire, sed ex comitate & urbanitate. Præceptum non contempnendum est; Cum in alterius sententiam iveris, aliquid semper de proprio addere. Exempli gratia: Opinionē ejus suffragari? Cum distinctione, & non alias fiat. Propositionē ejus annuere libet? Fiat sub modo aliquo vel conditione. Consilium ejus sequi & amplecti vīsum est? Novi alicuius argumenti pondus addas, propter quod in partes ejus transfire videaris. Cavendum in primis, ne *Magister in Ceremoniis & Formulis* habearis: Id enim si fieri, ut cuncte virtute vera emineas, audies tamen ab invidis, in nominis tui detrimentum, *Urbanus tantum & Affector.* Etiam negotiis damnosum est, si quis *Formulas* nimium affectet, vel in opportunitatibus & temporibus diligendis impene curiosus sit. *Salomon* inquit: *Qui observat ventum, non seminat: & qui considerat nubes, nunquam metet.* Prudens opportunitates plures faciet, quam inveniet. *Mores hominum extermi, vestibus* eorum similes esse debent; Non sunt nimis concinni, nec corpus coarctantes; Sed qui libertatem præbeant, ad exercitia, & motum quemlibet.

L I.

D E L A U D E.

Laudis virtutis reflexio est. Atque, ut sit in speculis, trahit aliquid è natura corporis, quod reflexionē præbet. Si à vulgo proficisciatur, ut plurimum reflexio illa parva est, & falsa: & vanos potius ac tumidos, quam vera virtute præditos, comittatur. Sub captum siquidem vulgi, virtutes com-

plures, quæ excellunt, non cadunt. Virtutes minores, ab iis, *Laudes* extorquent; medie admirationem quandam, vel stuporem illis incutient; sublimes autem, in sensu aut perceptiōne eorum, pròlixi non veniunt. Sed apparitiones virtutum, *species virtutibus similes*, illos afficiunt quam maxime. Sane, *Fama* fluvio similis, est, quæ levia & inflata attollit, gravis & solida mergit. Quod si *Viri*, etiam judicis profundioris & dignitatis, cum vulgo concurreat, tum id, quod Scriptura dicit, contingit: *Nomen bonum instar unguenti frangantis.* Omnia undiq; replet, neque facile evanescit. Etenim odores unguentorum, durabiles magis sunt, quam florū. *Laudum* tot conditions fallaces sunt, ut *Laudis* mérito in suspicionem venire possit. *Laudes* quædam ab *adulatione* sola prodeunt: Quod si *Adulator* sit vulgaris, Attributis quibusdam utetur communibus, & quæ omnibus competere possint; non quæritis aut appositis: *Adulator* callidior si sit, vestigia premet *Adulatoris* principalis: intelligo, Tui ipsius; & in quibus tibi places, aut te ipsum excelleri putas, iis *Adulator* inhæredit maximè: Si *Adulator* sit impudicus, & perfida & frontis, tum demum, in quibus conscientia tibi sis defectus tui, & ad quæ maxime erubescis, ea *Adulator* tibi vel præcipue imputabit, & affiger, per vim, spreta conscientia. *Laudes* nonnullæ, à voluntate bona, cum reverentia conjuncta, proficiscuntur; quæ sane *Laudum* formula, *Principibus*, & *Viris* quibusunque dignioribus, debetur: *Laudando precipere*: Cum scilicet apud illos prædicando, quales sint, humiliter moneas, quales esse debeant. Sunt qui *Laudibus* quandoque onerantur, animo malitioso; ad confundandam invidiam, & odio concitanda; *Pessimum genus inimicorum laudandum*, ut ait ille: Adeo ut apud *Gracos* in Proverbium exiret: *Ei, qui in malum suum laudaretur, pustulam nari coniunctu adnascerit.* Sicut apud nos vulgo dicitur: *Cum quis mentitur, metuendum ne ejus lingua scabias propediem oboriantur.* Illud afferere licet, *Laudes* moderatas, tempestive irrogatas, & minime vulgares, honori vel maxime esse. *Dictum est Salomonis: Quis benedicit proximo suo voce grandi, de nocte consurgens, maledicenti simili erit.* Etenim, vel hominem, vel rem aliquam, ad cœlum usque evchere, contradictionem irritat, & derisi exponit. Veruntamen, ut se ipsum *laudare*, servato decoro, vix conceditur, nisi in casibus admodum rariss: ita vocationem suam, & munus quod gerit, aut studia quibus se addixit, *laudare* quis cum venia possit: immo cum specie quadam magnanimitatis. *Cardinales Romanos*, (qui Thœologi sunt, & Fratres & Scholastici,) verbum usurpant, extremi contemptus & convitii, erga negotia Civilia: Vocant enim negotia Civilia, (veluti, Belli, Legationum, Judiciorum, & hujusmodi,) *Hispanico tabulo, Siberriasis*; quod sonat, *Munera Lictorum & Scribarum*. Ac si artes illæ memoratz, magis ejusmodi homines, quam in fastidio *Cardinalatus* positos, decerent. Et tamè (si res rite pondereatur) Speculativa cum Civilibus non male miscentur. *Sanctus Paulus*, cum de seipso gloriatur, illud non nunquam interponit: *Oi statutus loquor.* At cum de Vocatione sua verba facit, nihil veretur dicere: *Magnifico Apostolatum meum.*